



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586-422, 586-420

Na osnovu člana 71. Statuta Općine Vogošća ("Službene novine Kantona Sarajevo", broj: 27/14 - Prečišćeni tekst 14/15, 9/20 i 23/24), člana 7. Pravilnika o realizaciji programa poticaja za samozapošljavanje broj: 03-15-1238/26 od 03.06.2026. godine i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, općinski načelnik Općine Vogošća, objavljuje:

JAVNI POZIV

za realizaciju programa poticaja za samozapošljavanje i unapređenje poduzetništva iz sredstava Budžeta Općine Vogošća za 2026. godinu

I PREDMET JAVNOG POZIVA

Ovaj program planiran je u okviru Strategije razvoja Općine Vogošća i to:

- Strateški cilj 1. – Unaprijediti konkurentnost privrede i povećanje zaposlenosti
- Prioritet 1.3. Unaprijediti sistem zapošljavanja na području općine
- Mjera 1.3.2. Aktiviranje dugoročno nezaposlenih osoba i podrška zapošljavanju sa fokusom na osobe sa otežanim pristupom tržištu rada

Općina Vogošća ovim Javnim pozivom pruža mogućnost poticaja za unapređenje poduzetništva na području Općine Vogošća, kroz stručnu podršku (edukacije i mentorstvo) i sufinansiranje troškova razvoja vlastitog biznisa.

Aplikanti će kroz ovaj Javni poziv i stručnu podršku u izradi poslovnog plana biti u mogućnosti jačati svoje poduzetničke vještine a najbolje ocijenjeni poslovni prijedlozi će biti finansijski i mentorski podržani u prvoj godini poslovanja.

U Budžetu Općine Vogošća planirana su sredstva u iznosu od 47.000,00 KM od kojih je 40.000,00 KM namijenjeno za sufinansiranje poslovnih planova za razvoj poduzetništva i zapošljavanja, a ostali dio za stručne konsultantske usluge (edukacija i mentorstvo). Visina bespovratnih sredstava po uspješno ocijenjenom poslovnom planu iznosi max. 8.000,00 KM. Ukupan iznos, po uspješno ocijenjenom poslovnom planu, predlaže Komisija na osnovu ocjene opravdanosti troškova poslovnog plana, a utvrđuje se konačnom Odlukom o dodjeli sredstava koju donosi Općinski načelnik.

Ukoliko se utvrdi da sredstva predstavljaju državnu pomoć u smislu propisa o državnoj pomoći, ista će se dodijeliti u skladu sa relevantnim propisima, uključujući pravila o *de minimis* pomoći.

II PRAVO UČEŠĆA

Korisnici sredstava su sljedeće kategorije stanovništva sa prebivalištem na području Općine Vogošća:

- LOT (1) Mladi do 35 godina
- LOT (2) Žene 36 +
- LOT (3) Dugoročno nezaposleni (osobe koje su u kontinuitetu evidentirane kao nezaposleni u evidencijama JU "Službe za zapošljavanje Kantona Sarajevo" u periodu dužem od 12 mjeseci do dana objavljivanja Javnog poziva).

Analizom stanja na tržištu rada na području općine Vogošća, utvrđeno je da žene čine značajan udio u ukupnom broju nezaposlenih osoba. S ciljem smanjenja nezaposlenosti žena, unapređenja njihove ekonomske uključenosti i poticanja razvoja ženskog poduzetništva, prilikom ocjene i rangiranja poslovnih planova prednost će imati prijave čiji su nosioci žene, pod jednakim ili usporedivim uvjetima u odnosu na ostale prijavitelje.

Aplikanti sa pravom učešća, moraju ispunjavati sljedeće uslove:

- Da se nalaze na evidenciji nezaposlenih JU „Služba za zapošljavanje Kantona Sarajevo“,
- Da imaju prebivalište na području općine Vogošća,
- Da planiraju registrovati i razvijati svoj biznis na području općine Vogošća,
- Aplikanti koji ispunjavaju uslove za sve LOT ove, moraju naznačiti i opredijeliti se za koji se od tri navedena lota prijavljuju.

Aplikanti bez prava učešća:

- Lica koja su osuđena ili bila osuđivana za krivična djela po bilo kom osnovu od strane nadležnih organa BiH,
- Lica protiv kojih je potvrđena otužnica ili se vodi krivični postupak,
- Lica koja nisu državljani BiH,
- Lica koja su u posljednje 3 godine bili korisnici istih ili sličnih programa poticaja Općine Vogošća i drugih nivoa vlasti.

III KRITERIJ ZA OCJENU PRIJAVE I IZBOR KORISNIKA

Komisija će prioritetno uzeti u obzir poslovne ideje koje su održive i imaju tržišni potencijal, ideje koje je moguće pokrenuti sa resursima i budžetom koji je dostupan kroz program, biznis ideje koje predviđaju, pored vlastitog, zaposlenje dodatnih osoba, kao i druge biznis ideje koje su zasnovane i imaju uporište u istraživanju potreba i tržišnih prilika koje provodi Općina ili druga relevantna institucija.

Status kandidata za finansiranje stiče se:

- Podnošenjem potpune i tehnički ispravne prijave na Javni poziv u skladu sa pravilima Javnog poziva,
- Aktivnim učešćem u treningu i edukaciji o razvijanju poslovne ideje, što podrazumijeva učešće na obuci (uz eventualno odsustvo kraće od 10% od dužine trajanja obuke),
- Podnošenjem kompletnog poslovnog plana za evaluaciju od strane Komisije u predviđenom roku,
- Usmenom odbranom razvijenog poslovnog plana pred Komisijom.

Status uspješnog kandidata, čiji je poslovni plan prihvaćen za finansiranje stiče se:

- Pozitivnom ocjenom poslovnog poduhvata,
- Dostavljanjem dodatne dokumentacije, koja bude tražena od Komisije,
- Prihvatanjem odredbi Ugovora o poticaju samozapošljavanja i unapređenju poduzetništva, odnosno svih obaveza koje kandidat preuzima potpisom istog.

U slučaju da je broj pozitivno ocijenjenih poslovnih planova veći od iznosa dostupnih sredstava, Odluka o finansiranju se donosi počevši od najbolje ocijenjenog poslovnog prijedloga prema slabije ocijenjenim, do utroška sredstava na raspolaganju.

IV POTREBNA DOKUMENTACIJA

Prijava na Javni poziv mora sadžavati sljedeće dokumente:

- a) Jasno i čitko popunjen formular za prijavu na Javni poziv,
- b) Uvjerenje o prebivalištu na području Općine Vogošća u trenutku objave Javnog poziva
- c) Potvrdu nadležnog biroa za zapošljavanje da se prijavitelj nalazi na evidenciji nezaposlenih lica (orginalni dokumenti),
- d) Ovjerenu izjavu da će svoju poslovnu ideju registrirati i razvijati na području Općine Vogošća,

- e) Izjavu kojom daje saglasnost da se njegovi podaci mogu obrađivati u skladu sa članom 9. Zakona o zaštiti ličnih podataka,
- f) Izjavu da u posljednje 3 godine nije bio korisnik istih ili sličnih programa poticaja Općine Vogošća i drugih nivoa vlasti.

Napomena: izjave iz tačke d) i f) mogu biti date na jednom papiru ili svaka posebno.

Prijava mora biti potpuna i uz istu mora biti dostavljena kompletna dokumentacija tražena Javnim pozivom.

V POSTUPAK ODABIRA I PODRŠKE KORISNICIMA PROGRAMA

Faza I – Ponošenje prijave na Javni poziv

Zainteresovani kandidati podnose prijavu sa propisanom dokumentacijom u roku utvrđenim Javnim pozivom

Faza II – Administrativna provjera i preliminarni odabir kandidata

Komisija vrši pregled pristiglih prijava i provjeru ispunjenosti formalnih i posebnih kriterija Javnog poziva. Na osnovu utvrđenih kriterija formira se lista kandidata koji ostvaruju pravo učešća u programu obuke.

Faza III – Obuka za pisanje poslovnog plana

Odabrani kandidati pohađaju organizovanu obuku tokom koje stiču znanja i vještine potrebne za razvoj poslovne ideje i izradu poslovnog plana.

Faza IV – Izrada i dostavljanje poslovnog plana

Kandidati, uz stručnu podršku i stečena znanja tokom obuke, pripremaju i dostavljaju poslovni plan u skladu sa smjernicama programa.

Faza V – Evaluacija poslovnih planova i prezentacija poslovnih ideja

Komisija vrši stručnu ocjenu dostavljenih poslovnih planova prema unaprijed definisanim kriterijima. Kandidati čiji planovi ispunjavaju uslove, pozivaju se na usmenu prezentaciju poslovne ideje pred Komisijom.

Faza VI – Konačno rangiranje, donošenje odluke i potpisivanje Ugovora

Na osnovu rezultata evaluacije i prezentacije poslovnih planova donosi se konačna odluka o odabiru korisnika. Sa odabranim korisnicima zaključuju se ugovori kojim se definišu međusobna prava i obaveze.

Faza VII – Registracija poslovnog subjekta

Odabrani korisnici u skladu sa ugovorom i važećim propisima, provode postupak registracije poslovnog subjekta.

Faza VIII – Dodjela finansijskih sredstava

Nakon završetka registracije poslovnog subjekta, vrši se dodjela odobrenih finansijskih sredstava.

Faza IX – Mentorska podrška i monitoring poslovanja

Tokom prve godine poslovanja, korisnicima se osigurava stručna mentorska podrška, a nadležna Služba provodi monitoring namjenskog korištenja sredstava i razvoja poslovnog poduhvata.

Kandidati imaju pravo podnošenja prigovora nakon objave rezultata svake faze postupka.

Rok i način podnošenja prigovora bit će naznačeni uz svaku objavljenu listu rezultata.

VI NAČIN I ROK PODNOŠENJA PRIJAVE

Zahtjevi/prijave se podnose u zatvorenoj koverti, direktno na protokol Općine Vogošća ili preporučeno putem pošte na adresu:

OPĆINA VOGOŠĆA

Služba za privredu, integrisani lokalni razvoj i društvene djelatnosti

Jošanička 80

71 000 Sarajevo

“Javni poziv za realizaciju programa poticaja za unapređenje poduzetništva iz sredstava Budžeta Općine Vogošća za 2026. godinu (LOT 1 ili LOT 2 ili LOT 3)

“Ne otvaraj”

Javni poziv ostaje otvoren 15 dana od dana objave.

Nepotpune i neblagovremene prijave neće biti uzete u razmatranje.

Sve dodatne informacije o Javnom pozivu mogu se dobiti na telefon 033 586 421 ili e-mail:
nerma.bavcic@vogosca.ba

OPĆINSKI NAČELNIK

Migdad Hasanović

Broj: 03-15-1280/26

Datum: 09.06.2026.